



www.BibleForChildren.org



Yuhanna 14



lisaa wii taalibaabe mum bee: —Pati imminee hakkille
mon. Ngoondinee Laamdo, ngoondinee kam. Cuudi
keewdi ana ley galle Baabiraado am. So walaano, mi
wiyanno on. Mi yahan, mi moyyinanoya on ton nokku.
Ndennoo, so mi moyyinanoyii on nokku, mi wartan
kasen mi bamta on faa
onon duu ngonon
to ngonan-mi
too.



Miin woni Yuhanna sakiike mon deentudo e mon
torraaji, deentudo e mon laamu lisaa Almasiihu,
e mupididodo e mon mupal makko. Mi


ribbanooma yaade ruunde
wiyeteende Patamos




saabe ko mbaajii-mi
konngol Laamdo
ngol e ko
ceedanii-mi
lisaa koo.



Don e don, keew-mi Ruuhu, njii-mi bimmbeere laamu
to dow kammu too, neddo gooto ana joodii dow mayre.




Non nan-mi huunde fuu ko tagaa ko woni dow kammu
e ko woni dow leydi e ko woni ley leydi e ko woni
dow geeci e ko woni e mum'en fuu,
ana wiya: «Jettooje e teddungal
e darja e baawde ngoodanii
joodiido dow bimmbeere ndee oo
e Njawdiri ndii faa abada!»




Njii-mi Ngalluure Seniinde ndee – dum woni Urusaliima keso oo – ana iwa dow kammu to Laamdo ana jippoo, ana parorii no jommbaajo parortoo faa lanndinoo hawra e gorum nii. Nan-mi daande toownde iwrunde to bimmbeere laamu too, ana wiya: —Annii hodorde


Laamdo e yimbe: o hodidan e mabbe, be laatoo lenol makko. Laamdo e hoore mum wondan e mabbe, laatoo Laamdo mabbe.



Caggal dūm, malaa'ika oo holli kam maayo ngo
ndiyam mum hokkata nguurndam, njalbiroojam no
timtorgal nii, eḏam iwra to bimmbeere laamu Laamdo
e Njawdiri ndii too.



Ngalluure ndee haajaaka naange naa lewru yaaynana
dum, sabi darja Laamdo yaaynata nde, Njawdiri ndii
woni lampa mayre.



Huunde sobunde
naatataa e mayre,
wanaa haala golloobe
ko wanaa, kanum e
fenoobe. Naatoobe e
mayre dee, be inde
mum'en mbinndaa e
dewtere nguurndam
bee, dum woni
dewtere Njawdiri ndii.




O soccan gondi gite mabbe fuu.
Maayde e sugulla e gullaali e
naawalla keddataako, sabi kulle
booyde dee fuu njawtii.




Ko Laamdo hudi fuu, tawataake ley ngalluure ndee hankasen. Bimmbeere laamu Laamdo e Njawdiri ndii darotoo e ley mayre, maccube makko ndewan mo, njiya yeeso makko, innde makko winndee e tiide mum'en.



Njii-mi maaybe bee, teddube e lo'ube, ana ndarii yeeso bimmbeere laamu ndee. Dewte udditaa, e ley majje dewtere nguurndam ndee duu udditaa. Maaybe bee cariraa golleeji mum'en binndaadi e dewte dee dii, gooto fuu hakke golle mum. Neddo fuu mo innde mum tawaaka ana winndii e dewtere nguurndam ndee, wedaama e weendu yiite nduu.



Ruuhu oo e jommbaajo debbo oo ndarii ana mbiya:
—War gaa! Neddo fuu nando yo wii: «War gaa!»
Neddo fuu domdudo yo war, muuydo fuu yo yar e
ndiyam ndokkoojam nguurndam dam meere meere.



Sabi Laamdo bamii ana yida aduna
oo faa hokkitiri Biyum bajo, yalla
goondindo Bajo oo fuu ana waasa
naatude yiite, heba nguurndam
nduumiidam.



Romankooɓe 3:23 yimbe fuu luuttii, ngalaa ngedu e annoora Laamɗo.

Romankooɓe 6:23 Sabi mbarjaari luuttal yo maayde, kaa moyyere nde Laamɗo hokkata ndee yo nguurndam nduumiidam e ley habbagol men e Joomiraado men lisaa Almasiihu.

Ibaraninkooɓe 9:27 Battane bii-aadama yo maayde cilol gootol, caggal dum, saree.

Efeesunkooɓe 2:8,9 Saabe hinnee Laamɗo oo kisinira-don e dow hoolaade mon Almasiihu. Dam kisindam, wanaa e golle moodon habbii, ko dam habbii e mum dee, e dokkal Laamɗo. Dam wanaa njobdi golle neddo pati fay gooto heba mantoraade dam.



Romankooɓe 10:9,10 So a seedorike hunduko maa lisaa
yo Joomiraado, a goondinii e bernde maa Laamdo wuurtinii
mo e hakkunde maaybe, a hisinte. Sabi goondindo e ley
bernde mum, Laamdo nanngiran dum pooccitiido,
ceedoriido hunduko mum, Laamdo hisinan dum,

Yuhanna 3:16,17 Sabi Laamdo bamii ana yida aduna oo
faa hokkitiri Biyum bajjo, yalla goondindo Bajjo oo fuu ana
waasa naatude yiite, heba nguurndam nduumiidam.
Laamdo neliraali Biyum oo e aduna faa Biyum oo saroo
aduna oo. Ko mo neliraa dee, faa aduna
oo hisira saabe makko.

1 Yuhanna 5:11-13 Dum woni seedaaku oo: Laamdo
hokkii en nguurndam nduumiidam, dam nguurndam ana e
Biyiiko oo. Goodando Bii Laamdo oo fuu, hebii nguurndam
dam. Mo walanaa dum, hebaali dam. Onon goondinbe Bii
Laamdo oo bee, mi winndanii on dum, yalla odon
tayora on kebii nguurndam nduumiidam.



Yuhanna 14; 2 Korintunkooḃe 5;
Banngingolv 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Fulfulde, Maasina Bible (ffm) © 2005, Wycliffe Bible
Translators, Inc. All rights reserved.

<https://live.bible.is/bible/FFMWBT/MAT/1>

©2026 Bible for Children, Inc.

www.M1914.org

www.bibleforchildren.org

